



Na osnovu člana 6.2 stav (4) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 222 stav (2) Zakona o upravnom postupku ("Službeni glasnik BiH", br. 29/02, 12/04, 88/07 i 93/09), rješavajući po žalbama birača upisanih u Centralni birački spisak za glasanje izvan Bosne i Hercegovine, Centralna izborna komisija Bosne i Hercegovine je na 43. sjednici, održanoj 12.08.2010. godine, d o n i j e l a

ODLUKU

Odbacuju se, kao izjavljene od nevlaštene osobe, žalbe podnosioca žalbi izjavljene dana 06.08.2010. godine protiv Odluke broj: 06-1-07-1-1254/10 od 05.08.2010. godine:

R/B	Prezime	Ime	Država
1.	JAKUPOVIĆ	NIJAZ	SJEDINJENE AMERIČKE DRŽAVE
2.	JAKUPOVIĆ	ISMET	ŠVICARSKA
3.	TUZUNOVIĆ	EMIRA	ŠVEDSKA
4.	KRUPIĆ	BAHRA	NJEMAČKA
5.	ELKAZEVIĆ	MELIHA	ŠVICARSKA
6.	KONJIĆ	ZUHRA	SJEDINJENE AMERIČKE DRŽAVE
7.	JAKUPOVIĆ	RAZIJA	SJEDINJENE AMERIČKE DRŽAVE
8.	TURKANOVIĆ	SEMIRA	NORVEŠKA

Obrazloženje

Dana 06.08.2010. godine Jakupović Nijaz iz Sjedinjenih Američkih Država, Jakupović Ismet iz Švicarske, Tuzunović Emira iz Švedske, Krupić Bahra iz Njemačke, Elkazević Meliha iz Švicarske, Konjić Zuhra iz Sjedinjenih Američkih Država, Jakupović Razija iz Sjedinjenih Američkih Država i Turkanović Semira iz Norveške (u daljnjem tekstu: podnosioci žalbi) su izjavili putem Centralne izborne komisije Bosne i Hercegovine, e-mailom, žalbu Apelacionom odjelu Suda Bosne i Hercegovine na Odluku broj: 06-1-07-1-1254/10 od 05.08.2010. godine.

Navedenom Odlukom odbija se upis u Centralni birački spisak za glasanje izvan Bosne i Hercegovine biračima čije prijave nisu ispunile uslove propisane članom 3.15 stav (1), (2) i (3) Izbornog zakona Bosne i Hercegovine.

U pouci o pravnom lijeku biračima, čije su prijave odbijene, a koji su imenom i prezimenom navedeni u dispozitivu odluke, data je mogućnost ulaganja žalbe Apelacionom odjelu Suda Bosne i Hercegovine u roku od 48 sati od dana objave odluke na web stranici Centralne izborne komisije Bosne i Hercegovine.

Među biračima, navedenim u dispozitivu Odluke broj: 06-1-07-1-1254/10 od 05.08.2010. godine, kojima je odbijen upis u izvod iz Centralnog biračkog spiska za glasanje izvan Bosne i Hercegovine, **ne nalaze se** naprijed navedeni podnosioci žalbi.

Naime, svi podnosioci žalbi su **registrovani za glasanje izvan Bosne i Hercegovine i upisani u izvod iz Centralnog biračkog spiska za glasanje izvan Bosne i Hercegovine**, iz kojih razloga podnosioci žalbi nemaju pravni interes za ulaganje žalbe na navedenu odluku u smislu člana 6.2 stav (1) Izbornog zakona Bosne i Hercegovine, obzirom da im predmetnom odlukom nije povrijeđeno pravo ustanovljeno Izbornim zakonom Bosne i Hercegovine.

Shodno izloženom, Centralna izborna komisija Bosne i Hercegovine je u skladu sa članom 6.6 stav (4) Izbornog zakona Bosne i Hercegovine, a u vezi člana 222. stav (2) Zakona o upravnom postupku odlučila kao u dispozitivu ove odluke.

Pravna pouka:

Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od 2 dana od dana objave ove odluke na web stranici Centralne izborne komisije Bosne i Hercegovine, www.izbori.ba (krajnji rok je do 22.08.2010. godine)

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, e-maila ppprijava@izbori.ba ili lično u sjedište Centralne izborne komisije Bosne i Hercegovine, Ulica Danijela Ozme broj 7, Sarajevo.

Predsjednica

Irena Hadžiabdić

Broj: 06-1-07-1-1254/10
Sarajevo, 12.08.2010.godine

